



Te Kura Kaupapa Māori o  
**NGĀ MOKOPUNA**

4 Te Awanui o Falkirk, Maraenui  
Te Whanganui-a-Tara 6022  
waea: 04 380 8966

Imēra: [tari@tkkmmokopuna.school.nz](mailto:tari@tkkmmokopuna.school.nz)  
Pae tukutuku: [www.tkkmmokopuna.school.nz](http://www.tkkmmokopuna.school.nz)

## **Rautaki Whakapiki Hauora Waiora - Mā te Whānau Whānui**

### **Whakataki**

Ko tō Ngā Mokopuna rautaki tuatahi pēnei ki te āta whakaaro mō te hauora me te waiora o ngā tāngata katoa - tamariki mai, kaiako mai, kaimahi mai rānei, tae atu ki ngā mātua (ngā whānau). Ka mutu te aro ki ērā hunga ka haere tonu atu ki te hapori whānui o te kura, arā, te hunga ka kaha whakawhanaunga mai ki te kura me ngā kaupapa ka whakahaerehia e te kura. Heoi anō, ka aro tuatahi atu ki te whānau ake o te kura.

### **Tirohanga Whānui**

E whai ake nei ko tētahi tūtohi e whakaatu mai ana i ngā hunga, ngā aronga me ngā tīmatanga mahi mā ia kaupapa. Kaore e kore ka tipu, ka whanake ngā kaupapa i te roanga o te wā heoi, e tika ana kia tohua te tīmatanga mō ia kaupapa mō ia hunga.

Ka aroā ēnei hunga me ēnei kaupapa mō ngā tau e rua, 2026 - 2027. Ka hāngai te rere o ēnei mahi ki te waihangatanga mai o tō mātou kura hou. Ko te manako ia, kia rite te kura hou, kua rite hoki te whānau whānui ki te whakamahi i tērā ki te tihi o tōna pitomata hei painga mā ngā tamariki, mokopuna tae atu ki te whānau whānui.

### **Aronga**

Ko ngā mātāpono me ngā ariā ka noho mātāmua hei tūāpapa mō ēnei mahi katoa ko:

- Te Aho Matua
- Mauriora
- Poutiria te Aroha
- Mātua Rautia
- Whakaakona te katoa o te tangata
- Te reo Māori

### **Whainga Whānui**

Ko ngā whainga whānui o te kaupapa nei, ko te whakapiki i te mauri ora o ngā tamariki me ngā pakeke i tō rātou na ao. Ki te piki te mauri, ka piki te ihirangaranga o te tangata. Ki te piki te ihirangaranga, ka piki te kaha o te wairua, ā, ka nui ake te tūpono ka eke te tangata ki ngā tihi teitei o te ako, o te mōhio me te māramatanga. Arā, kia puāwai mai a ia ki te tihi o tōnā pūmanawatanga.

## **Rautaki Matua**

Ko te rautaki matua ka whakamahia, ko terā o te wānanga. Mō te hunga e mōhio ana, e mārama ana, he nui ngā momo “wānanga” e taea te whakahaere hei taiao ako mā te tangata, ā, i te roanga o ēnei kawenga, ka whakamahia te whānuitanga o ngā momo wānanga katoa. Arā, ka wānanga taki tini, ka wānanga taki tahi, ka wānanga ki taiao, ka wānanga ki rō whare.

Otirā, ka whakamahia ngā tū momo rautaki whakaako katoa e mōhio nei mātou ki te tuari mātauranga, ki te whakatipu mōhiotanga, ki te whakawhānui māramatanga mō ngā kaupapa katoa ka kapia ki tēnā me tēnā o ngā wānanga.

## **Hunga Whakaako**

Ko te hunga whakaako tuatahi ka ahu mai i waenga anō i te whānau ake. He nui ngā pūkenga kei tēnā me tēnā o te whānau, ā, ka pōwhiringia rātou ki te tuari mai ngā mātauranga kei a rātou hei painga mā te katoa.

Mō ētahi atu kaupapa, ka toro atu ki ngā mātanga e mōhio nei mātou he tohunga rātou mō tēnei kaupapa, mō tērā kaupapa. Hei tauira, mō te wahanga ki ngā atua Māori, ka toro atu ki a Mark rāua ki Diane Kōpua. Me ko ngā whetu tētahi kaupapa ka hiahia e te whānau, ka toro atu ki Dr Rangi Mātāmua.

## **Te Hāngaitanga**

Katoa ēnei wānanga, ngā whainga me ngā aronga ka hāngai pū ki ngā mātāpono o **Te Aho Matua** me ngā whainga whānui o **Puna Ora**, te hononga kaupapa i waenga i Te Rūnanga nui o Ngā Kura Kaupapa Māori o Aotearoa me Hauora Aotearoa.

## **Whakakapi**

E whakaponu ana mātou, ki te tutuki ēnei aronga, ēnei whainga me ngā kaupapa katoa ki te tihi o manako, ka ora rawa atu te whānau whānui o Ngā Mokopuna mō te e hia tau kei mua i te aroaro.

Nā mātou

Te Ohu Hauora / Waiora  
Te Kura Kaupapa Māori o Ngā Mokopuna

Mahuru 2025

## Rautaki Whakapiki Hauora / Waiora

Inā te whānui o ngā pānga me ngā whakaawenga o tēnei kaupapa, ka āta whakaritea ētahi paearu e taea (pea) te ine i ngā tino painga o te kaupapa nei me ngā ngoikoretanga, mehemea he ngoikoretanga ka puta. Ha rangahau mata ora tēnei te haere ake nei.

| Tamariki       | Aronga                                               | Mā te aha?                                                                                                            | Mā wai?                                                                             | Aronga / Pātai                                                                                                                                                                                          |
|----------------|------------------------------------------------------|-----------------------------------------------------------------------------------------------------------------------|-------------------------------------------------------------------------------------|---------------------------------------------------------------------------------------------------------------------------------------------------------------------------------------------------------|
| Tinana         | Kai pai, hauora                                      | Kaupapa here<br>Parakuihi (?)<br>Ngā kai o ia rā                                                                      | Ohu Aho Matua<br>Ohu mātua, tautoko<br>Tā tātou ake tangata?                        | Tokohia ngā tamariki e whai mematangā ki tētahi whare kori / whakapakari tinana?<br><br>Tokohia ngā tamariki e hiahia ana te whai mematangā?<br><br>He aha ngā hua/painga kua puta i tō whai mematangā? |
| Wairua / Mauri | Kia ita tōna mauri<br>Kia tau tōna wairua            | Karakia tawhito<br>Kaupapa motuhake<br>A-rohe, a-takiwā                                                               | Kaiako, ngā mātua<br>Kanohi o te iwi                                                | Tokohia o koutou e mōhio ana ki ngā momo karakia rerekē?<br><br>Tokohia o koutou e hiahia ana te ako i ngā momo karakia rerekē?<br><br>He aha ngā hua/painga kua puta?                                  |
| Hinengaro      | Kia mahea, kia wātea, noho tūwhera                   | Wānanga Taiohi <ul style="list-style-type: none"> <li>• Tama tāne</li> <li>• Tama wahine</li> </ul> Ira ranu / rerekē | Mātanga tikanga a iwi<br>Te mana o ngā atua<br>Māreikura, Whatukura<br>Ngāti Uenuku | E hia kua tae atu (tae ki tēnei wā)?<br><br>E hia kua tae atu i te mutunga?<br><br>He aha ngā hua/painga kua puta?                                                                                      |
| Reo            | Kia hari koa ngā tamariki ki te kōrero Māori i ia rā | Whakarekareka<br>Waiata tawhito<br>Mōteatea, pao                                                                      | Kaiako, mātua, tipuna<br>Ngā horopaki katoa                                         | E hia ngā haora ka kōrerotia te reo Māori i tō kāinga? (Timatangā)<br><br>He aha te / ngā whainga?<br><br>E hia ngā haora e kōrerotia ana te reo Māori inaianei? (Mutunga)                              |

| Kaiako / Kaimahi |                                           |                                                                                      |  | Aronga / Pātai                                                                                                                                                                            |
|------------------|-------------------------------------------|--------------------------------------------------------------------------------------|--|-------------------------------------------------------------------------------------------------------------------------------------------------------------------------------------------|
| Tinana           | Kia pakari, kia ora                       | Mematanga whare kori Mauriora                                                        |  | <p>Tokohia o koutou e whai mematanga ki tētahi whare kori / whakapakari tinana?</p> <p>Tokohia o koutou e hiahia ana te whai mematanga?</p> <p>He aha ngā hua o tō whai mema - tanga?</p> |
| Wairua / Mauri   | Kia ita tōna mauri<br>Kia tau tōna wairua | Karakia tawhito<br>Kaupapa motuhake<br>Poutiria te aroha<br>Mauriora<br>Mātua Rautia |  | <p>Tokohia ngā whānau kua tae atu ki ēnei wānanga i roto i ngā tau e rua?</p> <p>He aha ngā hua/painga kua puta?</p>                                                                      |
| Hinengaro        | Kia mahea, kia wātea,<br>noho tūwhera     | Tangata motuhake<br>Poutiria te aroha<br>Mauriora                                    |  | <p>E hia kua tae atu (tae ki tēnei wā)?</p> <p>E hia kua tae atu i te mutunga?</p> <p>He aha ngā hua/painga kua puta?</p>                                                                 |
| Reo              | Whakapakari<br>Whakawhanake               | Kura Reo a kura, hapū,<br>iwi pea                                                    |  | <p>E hia ngā haora ka kōrerotia te reo Māori i tō kāinga? (Timatanga)</p> <p>He aha te / ngā whainga?</p> <p>E hia ngā haora e kōrerotia ana te reo Māori inaianei? (Mutunga)</p>         |
| Whānau           |                                           |                                                                                      |  | Aronga / Pātai                                                                                                                                                                            |
| Tinana           | Whanaungatanga                            | Walking netball<br>Waka ama (?)<br>Whare Tū Tauā (?)                                 |  | <p>Tokohia o koutou e whai mematanga ki tētahi whare kori / whakapakari tinana?</p> <p>Tokohia o koutou e hiahia ana te</p>                                                               |

|                |                                                                                                                                                                                           |                                                                                                                                                                                  |  |                                                                                                                                                                            |
|----------------|-------------------------------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------|--|----------------------------------------------------------------------------------------------------------------------------------------------------------------------------|
|                |                                                                                                                                                                                           |                                                                                                                                                                                  |  | whai mematangā?<br><br>He aha ngā hua o tō whai mema - tanga?                                                                                                              |
| Wairua / Mauri | Wānanga                                                                                                                                                                                   | Aho Matua<br>Poutiria te aroha<br>Mauriora<br>Mātua Rautia                                                                                                                       |  | Tokohia ngā whānau kua tae atu ki ēnei wānanga i roto i ngā tau e rua?<br><br>He aha ngā hua/painga kua puta?                                                              |
| Hinengaro      | Kia mahea, kia wātea, noho tūwhera                                                                                                                                                        | Tangata motuhake<br>Poutiria te aroha<br>Mauriora                                                                                                                                |  | E hia kua tae atu (tae ki tēnei wā)?<br><br>E hia kua tae atu i te mutunga?<br>He aha ngā hua/painga kua puta?                                                             |
| Reo            | Whakapakari<br>Whakawhanake                                                                                                                                                               | Kura Reo a kura<br>Whai kōhi rerekē<br>Wānanga motuhake <ul style="list-style-type: none"> <li>• Karakia</li> <li>• Pao, karanga</li> <li>• Raranga</li> </ul> Ako waiata a Kura |  | E hia ngā haora ka kōrerotia te reo Māori i tō kāinga? (Timatanga)<br><br>He aha te / ngā whainga?<br><br>E hia ngā haora e kōrerotia ana te reo Māori inaianei? (Mutunga) |
| <b>Hapori</b>  |                                                                                                                                                                                           |                                                                                                                                                                                  |  |                                                                                                                                                                            |
| Tinana         | Mo ngā tau e rua, e toru pea e whai ake nei (2026-2027) ko te hunga o runga te hapori ka kaha aroā. Ka mutu te arotake i ērā mahi ka whai whakaaro mātou ki te whakawhānui i ngā toronga. |                                                                                                                                                                                  |  |                                                                                                                                                                            |
| Wairua / Mauri |                                                                                                                                                                                           |                                                                                                                                                                                  |  |                                                                                                                                                                            |
| Hinengaro      |                                                                                                                                                                                           |                                                                                                                                                                                  |  |                                                                                                                                                                            |
| Reo            |                                                                                                                                                                                           |                                                                                                                                                                                  |  |                                                                                                                                                                            |

## Ngā mahi whakariterite

Kua mana tā tātou tonono mō tētahi wahanga o te putea tautoko a Puna Ora nā reira me whakarite tātou i a tātou anō ki te whakatau me te kawhe i ngā mahi. E (āhua) \$75,000 ka tae mai ki a tātou i roto i te rua tau e tū mai nei ki te whakahaere a tātou kaupapa rerekē.

Ka tīmata hei te tīmatanga o 2026.

Ka mutu hei te paunga o 2027.

Me whakarite pūrongo arotake i ia hauwhā tau.

Ka tukuna te pūrongo ki TRN, mā TRN e tukuna atu ki te Manatū Hauora.

Kōtahi te hui a tinana ka karangatia i ia tau, me tae atu tētahi o Ngā Mokopuna.

Ko te rautaki i whakaatu atu i tērā marama he mea hukihuki noa nā reira anei ētahi atu mahi ki te whakamana i tērā kia rite tātou ki te waitohu i te kirimana me te mahi i ngā mahi.

- Whakaatu atu te whanaketanga o te rautaki ki te katoa o te whānau
- Me whiriwhiri ngātahi me pēhea tātou anga whakamua ai (tāpiri kaupapa, tango kaupapa, whakawhānui ētahi, whakawhānui ētahi - kei a tātou te tikanga!)
- Whakatauria tētahi Ohu iti ki te manaaki, ki te tiaki me te kōkiri i te rautaki nei
- Āta whakaarohia he aha te/ngā wahanga ki te kura ake - he aha te/ngā wahanga ki te whānau whānui
- Whakatauria te nui o te pūtea ka tukuna ki tērā me tērā wahanga o te rautaki
- Whakarite punaha me ESL ki te whai me te arotake i ērā whakapaunga pūtea kia ngāwari te pūrongo atu ki TRN i te mutunga o te kaupapa

Ko ētahi atu mahi e noho tārewa ana i tēnei wā:

- Ko wai ngā ratonga e hiahia ana ki te āwhina / ki te tautoko i a tātou?
- Ko wai (pea) ngā matanga e mōhio nei tātou hei kaiako mā tātou te whānau?
- Ko ētahi o ērā ka pai mā ngā tamariki, ko ētahi atu ka pai mā ngā whānau
- Tautohua ko wai, mā wai rānei ngā wahanga rerekē o te rautaki e kawhe, e kōkiri, e whakatutuki?
- Tautohua mehemea he mahi anō e noho tārewa ana

## Wātaka (ka āhua pēnei!)

| Rangi      | Kaupapa / Mahi                                                                                                                                                                                                                        | Mā Wai?                   |
|------------|---------------------------------------------------------------------------------------------------------------------------------------------------------------------------------------------------------------------------------------|---------------------------|
| 29/10/2025 | Whakatakoto atu ki te Hui Whānau                                                                                                                                                                                                      | Tumuaki                   |
| 30/10/2025 | Karanga hui mō te hunga e pai ana ki te noho hei Ohu<br>Whakahaere<br>Tuaringia ngā mahi me ngā haepapa - whakamaheretia<br>Timataria ngā kōrero mō ngā panonitanga ki te rautaki<br>me ngā ratonga, tāngata, rōpu rānei hei awhi mai | Tumuaki<br><br>Ohu<br>Ohu |

|            |                                                                                                                                                                                                                                                                                                                                                    |                                                       |
|------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------|
|            | Tukuna he rangahau makimaki ki ngā whānau mō tēnei kaupapa                                                                                                                                                                                                                                                                                         | Ohu                                                   |
| 12/11/2025 | Hui Ohu ki te whakaū i ngā panonitanga hei kawē atu ki te Hui Whānau<br>Whakaraupapatia te rāangi ingoa o ngā whānau e hiahia ana, e taea ana te tautoko mai me ngā pūkenga kei a rātou<br>Matapakihia te kirimana ki TRN - pātai? Whakaaro? Kōrero?<br>Matapakihia ko tō TRN pepa arotake whaiaro mō te kaupapa nei - Me pēnei, pe pai ake rānei? | Ohu<br>Ohu<br>Ohu<br>Ohu                              |
| 19/11/2025 | Kawē atu ki te Hui Whānau<br>Whakairihia ki te kāinga tukutuku a te kura<br>Kōrerotia te kirimana ki te Hui Whānau<br>Kōrerotia te tukanga arotake whaiaro - he panonitanga?                                                                                                                                                                       | Ohu / Tumuaki<br>Kaimahi Tari<br>Ohu / Tumuaki<br>Ohu |
| 26/11/2025 | Waitohungia te kirimana                                                                                                                                                                                                                                                                                                                            | Ohu / Tumuaki                                         |
| 27/11/2025 | Ka timata ngā mahi<br>Me tīmata te kohikohi haere i ngā whakaaturanga mō te pūrongo tuatahi                                                                                                                                                                                                                                                        | Whānau / Kura<br>Whānau / Ohu                         |

### Whakakapi

He tauira noa, he tīmatanga kōrero noa ēnei tuhinga katoa. Mā te kōrero tahi me te wānanga tahi tātou te whānau whakatau ai te otinga o ēnei whakahaeretanga. Nā reira, kia kaha koutou ki te whai whakaaro me aha tātou ki te whakapiki, ki te whakakaha me te whakawhanake i te hauora me te waiora o te whānau whānui o Ngā Mokopuna?

Tukuna ngā whakaaro kia rere e hoa mā!

Nāku iti nei

Rāwiri Wright  
Tumuaki